

日知錄

卷八
第二
冊

日知錄集釋卷二十二

崑山顧炎武著

嘉定後學黃汝成集釋

四海

書正義言天地之勢四邊有水鄒衍書言九州之外有大

瀛海環之是九州居水內故以州爲名原注州然五經無

西海北海之文而所謂四海者亦概萬國而言之爾原注

祭義推而放諸西海而準推而放諸北海而準亦是概言

之海至左傳齊桓公言寡人處北海則直指齊地而孟子

言伯夷辟紂居北海之濱唐時以瀛州爲北海郡而昌樂縣遂有伯夷廟爾雅九夷八蠻六戎

五狄謂之四海周禮校人凡將有事于四海山川注四海

猶四方也則海非眞水之名易卦兌爲澤而不言海禮記

鄉飲酒義曰祖天地之左海也則又以見右之無海矣原注

史記曰者傳地不虞書禹言予決九川距四海據禹貢但
滿東南以海爲池有一海而南海之名猶之西河卽此河爾

禹貢之言海有二東漸于海實言之海也聲教訖于四海
概言之海也

宋洪邁謂海一而已地勢西北高東南下所謂東北南三
海其實一也北至於青滄則曰北海南至於交廣則曰南
海東漸吳越則曰東海無繇有所謂西海者詩書禮經之
稱四海蓋引類而言之至于莊子所謂窮髮之北有冥海
及屈原所謂指西海以爲期皆寓言爾程大昌謂條支之
西有海先漢使固嘗見之而載諸史原注史記大宛傳于
真之西則水皆西流
注西海又曰奄蔡在康居西北可二千里臨大澤
無崖蓋乃北海云漢書西域傳條支國臨西海後漢班

超又遣甘英輩親至其地而西海之西又有大秦夷人與
海商皆常往來霍去病封狼居胥山其山實臨瀚海蘇武
郭吉皆爲匈奴所幽寘諸北海之上而唐史又言突厥部
北海之北有骨利幹國在海北岸然則詩書所稱四海實
環華裔而四之非寓言也然今甘州有居延海西寧有青
海雲南有滇海安知漢唐人所見之海非此類邪錢氏曰
海子猶南方之湖也

九州

九州之名始見於禹貢

原注祭法共工氏之霸九州也其子曰后土能平九州此近乎禹而

有九州之名

周禮職方氏疏曰自神農以上有大九州柱州迎

州神州之等至黃帝以來德不及遠惟於神州之內分爲

九州〔原注〕史記孟子荀卿傳騶衍言中國名曰赤縣神州

數中國外如赤縣神州〔原注〕蓋天下有九州古之帝者皆治之

後世德薄止治神州神州者東南一州也〔原注〕河圖括地

南邛州西南戎州正西弇州正中冀州西北桂州北方

州東北威州正東揚州淮南子地形訓同而以西北為台

有神州北為沛州東北為蒲州正東為陽州隋書北郊之制

元齡與禮官議以為神州者國之所記餘八州則此荒誕

義不相及遂除迎州等八座惟祭皇地祇及神州此荒誕

之說固無足采然中國之大亦未有窮其涯域者尹耕兩

鎮志引漢書地理志言黃帝方制萬里畫埜分州得百里

之國萬區而疑不盡於禹九州之內且曰以今觀之涿鹿

〔原注〕全東北之極陬也而黃帝以之建都釜山〔原注〕在懷

保安州東北之極陬也而黃帝以之建都釜山〔原注〕來城北

塞上之小山也而黃帝以之合符則當時藩國之在其西

北者可知也

〔原注〕晉載記慕容廆以大棘城卽帝顓頊之墟也乃移居之通典棘城在營州柳城東南

一百七

秦漢以來匈奴他部如爾朱宇文之類往往祖黃

帝稱昌意後亦一證也

〔原注〕按魏周諸書惟云魏之先出自黃帝軒轅氏黃帝子曰昌意昌

意之少子受封北國而爾朱氏無聞宇文氏則云其先出自炎帝神農氏今舍拓跋而言爾朱宇文誤也遼史言

耶律儼稱遼

爲軒轅後厥後昌意降居帝摯遜位至於洪水之災天

下分絕而諸侯之不朝者有矣以書考之禹別九州而舜

又肇十二州其分爲幽并營者皆在冀之東北

〔原注〕書肇十有二州

傳云肇始也禹治水之後舜分冀州爲幽州并州分青州爲營州始置十二州高誘注淮南子云古之幽都在雁

門以必其前閉而後通前距而後服者也而此三州以外

則舜不得而有之矣此後世幅員所以止於禹迹九州之

內而天地之氣亦自西北而趨於東南日荒日闢而今猶

未已也

原注蔡仲默書傳亦謂當舜之時冀北之地未必荒落如後世

騶子之言雖不盡

然亦豈可謂其無所自哉

幽并營三州在禹貢九州之外先儒謂以冀青二州地廣

而分之殆非也

原注孔安國馬融並云時青州當越海而有遼東益無據

疏謂堯

幽則今

涿易以北至塞外之地

原注書流其工于幽州孟子作州括地志云在檀州燕樂縣界今順

天府密雲縣

并則今忻代以北至塞外之地營則今遼東大寧

之地其山川皆不載之禹貢故靡得而詳

原注凡漢之上

遼西遼東山川皆不載之禹貢惟碣石爲右北平驪城縣山然此但烏夷之貢道爾

然而益稷之書

謂弼成五服至于五千則冀方之北不應僅數百里而止

遼史地理志言幽州在渤海之間并州北有代朔營州東

暨遼海營衛志言冀州以南歷洪水之變夏后始制城郭

其人士著而居并營以北勁風多寒隨陽遷徙歲無寧居

曠土萬里或其說之有所本也劉三吾書傳謂孔氏以遼

東屬青州隔越巨海道里殊遠非所謂因高山大川以為

限之意蓋幽并營三州皆分冀州之地原注又引歐陽忞

營州屬今亦未有所攷閻氏曰案幽并營三州自九州分

在禹貢山川以外又曰禹畫九州在前舜肇十二州在後

者似是臆說不過從筆者始也臆度耳其實周禮職方氏

并州其澤數曰昭餘祁昭餘祁在今介休縣東北三十二

里俗名郛城泊先儒知分冀東北醫無閭之地為并州則以周

并州鎮曰恆山故知分冀東北醫無閭之地為幽州則以周

則以幽州鎮曰醫無閭故又知分青東北遼東等處為營州

於禹九州外校舉舜三州之名且不可得況疆理所至哉

舜本紀稱其地北發息慎息慎即肅慎為今寧古塔去京

師三千二百四十二里下說三代武王通之來貢楮矢成

王伐之遂來賀況在有虞盛世其為營州之

地無疑尚得謂非以境界太遠始別置之哉

禹畫九州在前舜肇十二州在後肇始也昔但有九州今

有十二州自舜始也

原注漢書地理志堯遭洪水天下分

書肇十有二州之文不同蓋漢人之說如此故王莽據之

為奏陳氏經曰禹貢之作乃在堯時至舜時乃分九州為

十二州至夏之世又并為九州故傳言貢金九牧九州為

紀年帝舜三十三年夏后受命于神宗遂復九州亦未可

信然則謂禹貢九州為盡虞夏之疆域者疏矣

夏商以後沿上世九州之名各就其疆理所及而分之故

每代小有不同

原注周書爾雅各與禹貢不同

周禮量人掌建國之法以

分國為九州曰分則不循於其舊可知矣

原注周禮職方

山曰醫無閭其澤曰獫狁川曰河沛浸曰菑時醫無閭在

今遼東屬寧衛獫狁澤注云在長廣今山陽萊陽縣已無

迹可考而青之菑時充之河沛

雜出於一條之中殆不可據

州有二名舜典肇十有二州禹貢九州大名也周禮大司

徒五黨爲州州長注二千五百家爲州左傳僖十五年晉

作州兵宣十一年楚子入陳鄉取一人焉以歸謂之夏州

昭二十二年晉籍談荀躒帥九州之戎原注注州鄉屬哀

四年士蔑乃致九州之戎十七年衛侯登城以望見戎州

國語謝西之九州何如原注注謝西有九州竝小名也沈氏

曰論語之言州里亦小名也陳祥道禮書二百一十國謂之州五黨亦

謂之州萬二千五百家謂之遂一夫之間亦謂之遂王畿

謂之縣五鄙亦謂之縣原注江淮河濟謂之四瀆而易坎

六國獨燕無後

春秋之時楚最彊楚之官令尹最貴而其爲令尹者皆同

姓之親至於六國已滅之後而卒能自立以亡秦者楚也

嘗考夫七國之時人主多任其貴戚如孟嘗平原信陵三公子毋論楚之昭陽昭奚恤昭睢韓之公仲公叔趙之公子成趙豹趙奢齊之田嬰田忌田單單之功至於復齊國至秦則不用矣閻氏曰按樗里疾秦惠王異母弟亦嘗相武王而涇陽高陵之輩猶以擅國聞獨燕蔑有子之之於王噲未知其親疏自昭王以降無一同姓之見於史者及陳項兵起立六國後而孫心王楚僖王齊咎王魏已而歇王趙成王韓惟燕人乃立韓廣豈王喜之後無一人與不然燕人之哀太子丹豈下於懷王而忍亡之也蓋燕宗之不振久矣嗚呼楚用其宗而立懷王者楚也燕用非其宗而立韓廣者燕也然則晉無公族而六卿分秦無子弟而閻樂弑魏削藩王而陳

留晏于司馬宋卑宗子而二帝辱于金人皆是道矣詩曰
宗子維城無俾城壞無獨斯畏人君之獨也可不畏哉注
經曰案燕弱且僻至易王始見於史所載國事多略公卿
大夫亦罕見見者如市被騎劫栗腹慶秦將渠鞅武皆將
相大臣無以知其非同姓也陳餘傳云秦爲無道滅人社
稷絕人後世則六國值秦並國滅無後未可咎燕宗之不
振也以秦之切齒於燕王喜太子丹豈有種乎且
六國之立特豪傑以收人心豈必盡其本支乎

郡縣

漢書地理志言秦并兼四海以爲周制微弱終爲諸侯所
喪故不立尺土之封分天下爲郡縣盪滅前聖之苗裔靡
有子遺後之文人祖述其說以爲廢封建立郡縣皆始皇
之所爲也以余觀之殆不然左傳僖公三十三年晉襄公
以再命命先茅之縣賞胥臣宣公十一年楚子縣陳十二

年鄭伯逆楚子之辭曰使改事君夷于九縣

原注注楚滅諸小國爲九

縣

十五年晉侯賞士伯以瓜衍之縣成公六年韓獻子曰

成師以出而敗楚之二縣襄公二十六年蔡聲子曰晉人

將與之縣以比叔向三十年絳縣人或年長矣昭公三年

二宣子曰晉之別縣不惟州五年遺啟疆曰韓賦七邑皆

成縣也

原注注成縣賦百乘也

又曰因其十家九縣其餘四十縣十

年叔向曰陳人聽命而遂縣之二十八年晉分祁氏之田

以爲七縣分羊舌氏之田以爲三縣哀公十七年子穀曰

彭仲爽申俘也文王以爲令尹實縣申息晏子春秋昔我

先君桓公予管仲狐與穀其縣十七說苑景公令吏致千

家之縣一於晏子戰國策智過言於智伯曰破趙則封二

子者各萬家之縣一史記秦本紀武公十年伐邽冀戎初

縣之十一年初縣杜鄭吳世家王餘祭三年予慶封朱方

之縣則當春秋之世滅人之國者固已爲縣矣原注按昭二十九年

傳蔡墨言劉累遷于魯縣則夏后氏已有縣之名周禮小司徒四甸爲縣遂人五鄙爲縣縣土注距王城三百里以

外至四百里曰縣亦作寰國語管子制齊三鄉爲寰寰有寰帥十寰爲屬屬有大夫顏師古曰古書縣邑字皆作

寰以縣爲縣挂字後人轉用爲州縣字其縣挂之縣又加心以別之也史記吳王發九郡兵

伐齊范蠡對楚王曰楚南塞厲門而郡江東甘茂謂秦王

曰宜陽大縣名曰縣其實郡也春申君言於楚王曰淮北

地邊齊其事急請以爲郡便匈奴傳言趙武靈王置雲中

雁門代郡燕置上谷漁陽右北平遼西遼東郡以拒胡又

言魏有河西上郡以與戎界邊則當七國之世而固已有

郡矣

原注哀公二年傳趙簡子誓曰克敵者上大夫受縣

下大夫受郡杜氏注引周書作雒篇千里百縣縣有

四郡古時縣大而郡小

說文周制天子地方千里分爲

百縣縣有四郡至秦初置三十六郡以監其縣今按史記

吳王及春申君之事則郡

之統縣固不始於秦也

吳起爲西河守馮亭爲上黨守

李伯爲代郡守西門豹爲鄴令荀況爲蘭陵令城渾說楚

新城令衛有蒲守韓有南陽假守魏有安邑令蘇代曰請

以三萬戶之都封太守千戶封縣令

原注趙封馮亭亦云

而齊威王

朝諸縣令長七十二人則六國之未入於秦而固已先爲

守令長矣故史言樂毅下齊七十餘城皆爲郡縣而齊湣

王遣楚懷王書曰四國爭事秦則楚爲郡縣矣張儀說燕

昭王曰今時趙之於秦猶郡縣也安得謂至始皇而始罷

侯置守邪傳稱禹會諸侯執玉帛者萬國至周武王僅千

八百國春秋時見於經傳者百四十餘國又并而爲十二諸侯又并而爲七國此固其勢之所必至秦雖欲復古之制一一而封之亦有所不能而謂罷侯置守之始於秦則

儒生不通古今之見也

楊氏曰郿縣之置不惟秦言秦者事有所止以歸獄也姚刑部曰

周室之制王所居曰國中分命大夫所居曰都鄙自國而外有曰家稍者矣曰邦縣者矣曰邦都者矣而統名之皆都鄙也鄭君云都之所居曰鄙始非是宜曰鄙之所居曰都詩曰作都于向月令曰毋休于都然則都者鄙所居城之謂也見于詩書傳記凡齊魯衛鄭之國率同王朝都鄙之稱蓋周法中原侯服疆以周索國近蠻夷者乃疆以戎索故齊魯衛鄭名同于周而晉秦楚乃不同于周不曰都鄙而曰縣然始者有縣而已尙無郡名吾意郡之稱蓋始于秦晉以所得戎翟地遠使人守之爲戎翟民君長故名曰郡如所云陰地之命大夫蓋卽郡守之謂也趙簡子之誓曰上大夫受縣下大夫受郡郡遠而縣近縣成聚富庶而郡荒陋故以美惡異等而非郡與縣相統屬也晉語夷吾謂公子縶曰君實有郡縣言晉地屬秦異于秦之近縣則謂之曰郡縣亦非云郡與縣相統屬也及三卿分范中

行知氏之縣其縣與已故縣隔絕分人以守略同昔者使人守遠地之體故率以郡名然而郡乃大矣所統有屬縣矣其後秦楚亦皆以得諸侯地名郡惟齊無郡齊用周制故也都鄙者王朝本名故晉秦楚雖為縣而未嘗不可因周之稱而周必無郡之稱以郡者遠地之稱也秦之內史漢之三輔終不可名之郡況周之畿內乎周書作雒篇乃有縣有四郡之語此非真西周之書周末誣僭之士為之也

秦分天下為三十六郡其中西河上郡則因魏之故雲中雁門代郡則趙武靈王所置上谷漁陽右北平遼西遼東郡則燕所置史記不志地理而見之於匈奴之傳孟堅志皆謂之秦置者以漢之所承者秦不言魏趙燕爾梁氏且有上黨守馮亭則上黨郡韓置而巴蜀漢中上郡置于憲文王河東南陽黔中上黨南郡置于昭襄王三川太原置于莊襄王俱見本紀不得全屬始皇初置也但三十六郡之目史不詳載攷始皇置閭中南海桂林象郡皆在後不在三十六郡內則所謂三十六郡者據漢志一河東二太原三上黨四三川五東郡六潁川七南陽八南郡九九江